

JAVNI POZIV za dodjelu finansijske podrške malim projektima za međureligijski dijalog

Broj javnog poziva: 21.09.18: SGIRD

USAID kroz projekat PRO-Budućnost (Povjerenje, razumijevanje, odgovornost za budućnost) i Catholic Relief Services- CRS (u daljnjem tekstu: CRS) objavljuju Javni poziv za dodjelu finansijske podrške projektima za međureligijski dijalog.

Ukupna finansijska vrijednost izdvojena za podršku međureligijskom dijalogu je 20.405 BAM.

O projektu PRO-Budućnost

Projekat Američke agencije za međunarodni razvoj (USAID) Povjerenje, razumijevanje, odgovornost za budućnost (PRO-Budućnost) implementira humanitarna i razvojna agencija Catholic Relief Services (CRS), u partnerstvu s Institutom za razvoj mladih KULT, Caritasom Bosne i Hercegovine, Forumom građana Tuzla, Helsinškim parlamentom građana Banja Luka, Međureligijskim vijećem u Bosni i Hercegovini i Nansen dijalog centrom Mostar.

Projekat saraduje s ključnim akterima iz političke, vjerske i medijske sfere, te različitim grupama građana, s ciljem da pomirenje i unaprijeđeno povjerenje vode ka pozitivnim društvenim promjenama širom BiH.

Općine/opštine/gradovi (u daljnjem tekstu: Lokalne zajednice) iz BiH u kojima PRO-Budućnost djeluje i ima potpisan memorandum o razumijevanju su: Banja Luka, Bihać, Bosanska Krupa, Bosanski Petrovac, Bratunac, Breza, Bugojno, Čelić, Čitluk, Derventa, Doboje, Doboje Jug, Domaljevac-Šamac, Drvar, Foča (FBiH), Foča (RS), Glamoč, Goražde, Gornji Vakuf-Uskoplje, Gračanica, Gradačac, Istočno Novo Sarajevo, Jablanica, Jajce, Jezero, Kalesija, Kiseljak, Kladanj, Kozarska Dubica, Kupres (FBiH), Livno, Ljubuški, Lopare, Maglaj, Modriča, Mostar, Mrkonjić Grad, Nevesinje, Novi Grad (RS), Novi Travnik, Novo Goražde, Odžak, Osmaci, Pelagićevo, Petrovo, Prijedor, Prozor-Rama, Rudo, Šamac, Sanski Most, Sapna, Sarajevo-Centar, Široki Brijeg, Sokolac, Srebrenica, Stolac, Teočak, Tešanj, Teslić, Trebinje, Trnovo (FBiH), Trnovo (RS), Ugljevik, Usora, Vareš, Višegrad, Vlasenica, Vukosavlje, Zavidovići, Zenica, Žepče i Zvornik.

Sve dodatne informacije o projektu PRO-Budućnost mogu se naći na stranici www.probuducnost.ba.

Uvjeti i procedure za apliciranje

Na Javni poziv mogu se prijaviti: Crkve i vjerske zajednice¹, i organizacije civilnog društva² koje se bave međureligijskim dijalogom iz PRO-Budućnost Lokalnih zajednica.

Podnosioci projektnih prijedloga trebaju predložiti projekte koji doprinose unapređenju procesa pomirenja i povjerenja u BiH, zagovaraju za mir i kolektivnu viziju za stabilnu budućnost i povezuju vjerske zajednice i Lokalne zajednice, te su u skladu sa [Platformom za Mir](#).

Aktivnosti podržane kroz ovaj Javni poziv omogućiti će vjerskim službenicima da ojačaju međusobno povjerenje, organizuju zajedničke aktivnosti i posjete mjesta stradanja u Lokalnim zajednicama.

¹ Upisane u Registar crkava i vjerskih zajednica u Bosni i Hercegovini.

² Osnovane prema važećim zakonima o udruženjima i fondacijama.

Predloženi projekti moraju:

- a. uključivati aktivnosti koje isključivo pozitivno promoviraju i podstiču pomirenje, kao što su: dijalog, zajedničke radionice o pomirenju ili zajedničke aktivnosti koje promoviraju pomirenje;
- b. uključivati različite religijske grupe u realizaciji aktivnosti;
- c. direktno promovirati međureligijski dijalog i saradnju;
- d. realizirati svoje aktivnosti na području Lokalnih zajednica;³
- e. biti od koristi za širu zajednicu;
- f. mobilizirati članove zajednice kroz volonterski rad;
- g. uzeti u obzir pravilno i odgovorno korištenje prirodnih, kulturnih, historijskih ili bilo kojih drugih materijalnih i nematerijalnih resursa.

Detaljni o kriterijima možete naći na sljedećem [linku](#).

Minimalni iznos sredstava koja se traže u projektnom prijedlogu ne može biti manji od 2.400 BAM, niti veći od 4.000 BAM.⁴

Podnosioci projektnih prijedloga moraju osigurati najmanje 30% sredstava od lokalnih zajednica (u novcu, robama ili uslugama) od traženog iznosa uz dostavljeno pismo podrške.

Projekti trebaju trajati najkraće 1 mjesec, a najduže 6 mjeseci*⁵ i moraju biti implementirani u periodu februar – decembar 2019. godine. Početak projekta podrazumijeva datum potpisivanja ugovora, a projekat se završava kada se dostave završni narativni i finansijski izvještaji.

Projektni prijedlozi koji pozivaju na bilo koji oblik nasilja i diskriminacije, promovišu alkohol, droge ili nezdrav način života neće biti uzeti u razmatranje.

Troškovi projekta ne mogu uključivati najam opreme od neregistrovane kompanije ili od strane fizičkih lica. Troškovi proizašli iz nabavke opreme (računari, kopirni uređaji, fotoaparati i sl.) ne smiju prelaziti 30% od ukupno odobrenog iznosa sredstava.

Tokom implementacije projekata, jedan član Crkve ili vjerske zajednice ili udruženja/organizacije će biti koordinator⁶ i biti će odgovoran za implementaciju, upravljanje sadržajnim i finansijskim dijelom projekta, kao i za narativno i finansijsko izvještavanje prema CRS-u. Ugovor o uslugama za koordinatora projekta može uključivati maksimalno 5% ukupnog budžeta –max bruto 200 BAM.

Obrazac projektnog prijedloga i Obrazac za budžet moraju biti napisani na jednom od službenih jezika i pisama Bosne i Hercegovine.

Svi dokumenti moraju biti popunjeni elektronski, a dostupni su na ovom [linku](#).

Nepotpuni projektni prijedlozi, kao ni oni koji pristignu nakon navedenog roka ili ne budu dostavljeni na predviđeni način, kao ni prijave na neodgovarajućim obrascima neće biti uzete u razmatranje.

³ Minimalno jedne lokalne zajednice u kojoj se realizira PRO-Budućnost projekat.

⁴ Sredstva iz ovog Javnog poziva ne uključuju troškove poreza na dodanu vrijednost (PDV). Sva pravna lica koja dobiju ova sredstva mogu ostvariti pravo na povrat PDV-a preko Uprave za indirektno oporezivanje.

⁵ Postupak dodjele finansijske podrške je proces koji sadrži pripremu aktivnosti, provedbu i zatvaranje projekta.

⁶ Koordinator je odgovoran za procese upravljanja bespovratnim sredstvima (potpisivanje ugovora, osiguravanje sredstava, implementaciju, praćenje, narativno i finansijsko izvještavanje itd.).

CRS i PRO-Budućnost Grant Menadžment Tim zadržavaju pravo dodijeliti bilo koji broj projekata, prema vlastitom nahođenju i procjeni.

Uvjeti dodjele novčane podrške

Organizacije koje budu imale najbolje projektne prijedloge i budu odabrane za dodjelu novčane podrške dužne su omogućiti CRS-u da izvrši predgrantovsku procjenu rada i poslovanja organizacije u prethodnom periodu, prije početka implementacije projekta. Predgrantovska procjena podrazumijeva analizu organizacijskih, finansijskih, administrativnih i ljudskih resursa podnosioca projektnog prijedloga.

Samo organizacije čiji projekti budu najbolje ocijenjeni i koje uspješno prođu proces predgrantovske procjene mogu dobiti novčanu podršku.

Prijava

Rok za prijavu:

Poziv ostaje otvoren do **10.11.2018., 23:59**

Prijave dostaviti:

- isključivo putem online obrasca koji se nalazi na ovom [linku](#).

Eventualna pitanja mogu se postaviti isključivo putem emaila na maliprojekti@probuducnost.ba, (Predmet: Upit, 21.09.18: SGIRD).

PRO-Budućnost Grant Menadžment Tim će sve podnosiocima projektnih prijedloga informisati o ishodu njihove prijave u roku od 60 dana od zatvaranja Javnog poziva. Grant Menadžment Tim zadržava pravo da ne obrazlaže rezultate za svakog podnosioca projektnog prijedloga pojedinačno.

Sve informacije o PRO-budućnost programu malih grantove dostupni su na [linku](#).

Svaki pokušaj kontaktiranja bilo kojeg uposlenika CRS-a i PRO-Budućnost Grant Menadžment Tima vezano za dobivanje dodatnih informacija mimo navedene email adrese i svaki pokušaj podmićivanja bilo kojeg uposlenika vodi do dugoročne diskvalifikacije podnosioca projektnog prijedloga.